



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

LXVII. De Fratibus in viam directis. Sit comes egressis benedictio, sitque regressis: Non decet expromi facta novella domi.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

Sicut enim Regula bonis ac devotis ad profectum quotidie legitur; sic tepidis, malis seu negligentibus, ut sint inexcusabiles, ad damnationis cumulum recitatur, ait Trithemius.

25. APRIL. 25. AUG. 25. DECEMB.

CAPUT LXVII.

De Fratribus in viam directis.

Dirigendi a Fratres in viam, omnium Fratrum vel Abbatis se orationi commendent *b*: & semper ad Orationem ultimam *c* Operis Dei, commemoratio omnium absentium fiat. Revertentes autem de viâ Fratres, ipso die quo redeunt, per omnes Canonicas Horas *d*, dum expletur Opus Dei, prostrati solo *e* Oratorii ab omnibus petant orationem propter excessus: ne quid fortè subripuerit *f* in viâ visûs aut auditûs malæ rei, aut otiosi *g* sermonis. Nec præsumat quisquam alii referre, quæcunque foris *h* Monasterium viderit aut audiêrit; quia

quia plurima *i* destructio est. Quòd si quis præsumpserit, vindictæ / regulari subiaceat. Similiter & *m* qui præsumpserit claustra Monasterii egredi *n*, vel quocunque ire *o*, vel quidpiam, quamvis parvum, sinè iussione *p* Abbatis facere.

- a) Numerus pluralis non obscure insinuat, iter agendum esse cum socio: idque suadent [1.] exempla discipulorum Christi, & S. PATRIS NOSTRI in Vitâ c. 4. 5. 33. &c. [2.] Veterum ac RR. Ordinum praxis. [3.] Emolumenta varia Societatis. [4.] Honestatis ratio, imò & [5.] malevolos aliorum sermones evadendi necessitas.
- b) Ut corpore & animâ salvi redeant. Pro exemplo in libris Gen. & Tob. sunt Isaac, Laban, Tobias benedicentes filiis suis, iter acturis: consentitque Vet. ac RR. Ordinum praxis.
- c) Non solius, ut Menardus vult, Completorii; sed omnium Horarum: sic enim jam olim, teste B. Hildegarde, in fine Orationis Dominicæ addebatur: Et famulos tuos Fratres nostros absentes. Alii postmodum

dum in Collectis Officii vel principalis, vel
 Mariani, inseruerunt similem quandam
 pro absentibus commemorationem. Modò
 autem fit in fine Officii, ubi ad Divinum
 auxilium R. Et cum Fratribus nostris
 absentibus Amen.

d) Id est postea mitigatum ac limitatum ad
 unam. Ex declaratione Cassin. Bursf. &c.

e) Id est, in terrâ vel pavimento.

f) Seu subrepserit. vid. notata c. 39. lit. i.
 Alii quidam legunt, nequis fortè subri-
 puerit, alii ne cui; neutrum malè, si vi-
 sus & auditus accipiatur in nominat.

g) De hoc vid. notata c. 6. sub finem.

h) Seu extra. Alii legunt foris Monasterio,
 alii Monasterii.

i) Id est, maxima. Rumores enim inquie-
 tant cor, & mentem distrahunt, & de-
 votionem exhauriunt, & tempus finè
 utilitate consumunt, ait D. Bonav.

l) Seu pœnæ, juxta arbitrium Superioris.
 Vid. etiam super his notata c. 51. itèm c.
 12. Vitæ S. BENEDICTI: itèm Statuta
 nostra à pag. 286.

m) Subaudi ex præced. subjaceat vindictæ
 regulari.

M

n) De

- n) De quo vid. Statuta pag. 179.
- o) Etiam intra Monasterium, ex Bernard. Cassin. Commendatur nimirum hinc solitudo cellæ, verus paradisus voluptatis, omnisque virtutis, doctrinæ ac ^{Per}fectionis mater, tantopere culta Veteribus, ut ne communi quidem ac naturali necessitati satisfacere suâ authoritate præsumerent. Ex Cassiano.
- p) Seu licentiâ. Vid. etiam dicta c. 49. sub finem.

26. APRIL. 26. AUG. 26. DECEMB.

CAPUT LXVIII.

Si Fratri impossibilia injungantur.

Sicuti Fratri aliqua fortè gravia aut impossibilia injunguntur a, suscipiat quidem jubentis imperium cum omni mansuetudine & obedientiâ b. Quòd si omnino virium suarum mensuram viderit pondus c oneris excedere, impossibilitatis d suæ causas ei, qui sibi præest, patienter & opportunè suggerat e, non superbiendo, aut resistendo, vel contradicen-